

ՀՈՐԵԼՅԱՆ

ՀՈՎԿԱԿԱՆ ՍԻՐՈՎ ԵՎ ՆՎԻՐՈՒՄՈՎ

*«Եթե մեկն ուզում է առաջինն լինել,
բոլորից վերջինը և բոլորի սպասաւորը պետք
է լինի» (Մարկ. Թ 34):*

Օգոստոսի 29-ին լրացավ Վիրաճայոց թեմի առաջնորդ Գերաշնորհ Տեղ. Գևորգ Արքեպիսկոպոս Սեբաղարյանի ծննդյան 60-ամյակը: Հոբելյանը մեծ շուքով նշվեց Վրաստանի մայրաքաղաք Թբիլիսում հայ համայնքի կողմից՝ ի գմահատություն Սրբազան Հոր անձնվեր ծառայության և շուրջ քառորդ դար Վիրաճայոց հովվությունը ջանասիրաբար ու մեծ պատասխանատվությամբ իրականացնելու:



Գևորգ արքեպս. Սեբաղարյանը
պարգևատրումից հետո
Սայաթ-Նովայի շիրմի մոտ

Անշուշտ տարիները ի գորու չեն քնորոշելու մարդկային կյանքի արժանիքները, երկարակեցությունը չի կարող իմաստ հաղորդել մարդկային կյանքին, եթե մարդ ինքը չկարողանա իմաստ տալ իր ապրած տարիներին, եթե տարիները չծառայեն և միջոց չդառնան իր ԱՌԱՋԵԼՈՒԹՅՈՒՆԸ իրագործելու և իր ՊԱՐՏՔԸ հասարակությանը, մարդկությանը տալու գործում:

Սրբազան Հոր պարագային տարիները ավելանում են՝ իր արժանիքները առավելագույնս արտահայտելու հնարավորություն ստեղծելով:

Սրբազան Հայրը իր ողջ գիտակցական կյանքը ի սպաս է դրել Հայց. Եկեղեցու և հայ ժողովրդի ծառայությանը, իր կյանքով, իր կենցաղավարությամբ ու աստվածահաճո կեցվածքով դարձել Բրիտոուի մշտաքարոզ

առաքյալ, ուսուցիչ իրական, քրիստոնյային վայել կյանքի, օրինակելի ու տիպար հոգևորական՝ հոգևոր եղբայրների համար:

Կարպիս Սեբաղարյանը (Սրբազան Հոր ավագանի անունն է) ծնվել է

Ռուսիցիայի մայրաքաղաք Բուխարեստում 1938 թվականին: Տասը տարեկան Կարպիսը 1948 թ. ծնողների հետ ներգաղթում է հայրենիք՝ մայրաքաղաք Երևան, ուր էլ 1956 թ. ավարտում է միջնակարգ դպրոցը և նույն թվականին ընդունվում Ա. Էջմիածնի Հոգևոր Ընմարան: Ընմարանական տարիները պատանի Կարպիսի համար եղան հոգևոր վերելքի, իմացության և գիտական մտքի ձևավորման շրջան: 1962 թ. ընմարանավարտ Կարպիսը ձեռնադրվում է սարկավագ և մուտք գործում հոգևոր սպասավորության դաշտ: Այս պահից սկսած երիտասարդ սարկավագը որոշում է իր ծառայությունը Հայց. Եկեղեցուն քերել որպես կուսակրոն հոգևորական: Եվ 1964 թ. ձեռնադրվում է արքեպ:

Սրբազան Հայրը որպես գիտնական հոգևորական բազմաթիվ հոդվածներ ու աշխատություններ ունի: Մեծ ավանդ ունի տոմարագիտության ուսումնասիրության բնագավառում: Երկարատև պրպտումների արդյունք որպես, Սրբազան Հայրը պատրաստեց «Տոմարագիտության դասընթաց» գիտական աշխատությունը, որը տալիս է տոմարին առնչվող բազմաթիվ հարցերի սպառիչ պատասխաններ: Նույն աշխատությունը թարգմանվել է ռուսերեն՝ նպատակ ունենալով օտար ընթերցողներին և հետազոտողներին հասու դարձնել հայ տոմարական գիտությանը:

1970-1972 թթ. Եկեղեցական տոմարագիտություն և այլ կրոնական առարկաներ է դասավանդում Հոգևոր Ընմարանում:

1971 թվականից առ այսօր Սրբազան Հայրը մեծ ջանասիրությամբ ու նախաձեռնողությամբ պատրաստում է Հայաստանյայց եկեղեցիներում կիրառվող եկեղեցական օրացույցը:

1972 թ. երջանկահիշատակ վազգեն Ա Կաթողիկոսի Սրբատառ կոնդակով նշանակվում է Վիրաֆայոց թեմի առաջնորդական փոխանորդ և ստանում ծայրագույն վարդապետական գիտական աստիճան: Իսկ մեկ տարի անց ձեռնադրվում է եպիսկոպոս և նշանակվում առաջնորդ:

1995 թ. Ամենայն Հայոց Կաթողիկոս Գարեգին Առաջին Հայրապետը Սրբազան Հորը շնորհում է Արքեպիսկոպոսական աստիճան:

Եվ արդեն շուրջ քսանհինգ տարի է, ինչ Սրբազան Հայրը Ավետառանական Բարի հովվի կերպարը իր կյանքով վկայելով, խնամք է տանում իրեն վստահված հոգևոր հոտի նկատմամբ՝ ամենայն բարեխղճությամբ և բարձր գիտակցությամբ:

Սրբազան Հայրը մեծ ներդրում ունի նաև հայ և վրաց ժողովուրդների, Հայաստանյայց և Վրաց Ուղղափառ Եկեղեցիների բարեկամական հարաբերությունների ստեղծման և զարգացման ոլորտում:

Անշուշտ մենք չէ, որ պետք է գնահատական տանք Սրբազան Հոր գործունեությանը: Մենք կարող ենք միայն արձանագրել այն՝ համոզումով, որ այդ գործունեությունը ուսանելի ու վարակիչ է երիտասարդ հոգևորականներին համար:

Ի գնահատություն Գևորգ Սրբազանի բեղում գործունեության, Ամենայն Հայոց Կաթողիկոս Գարեգին Ա Վեհափառ Հայրապետը Հայրապետական Օրհնության Գիր տվեց Սրբազան Հորը (տե՛ս էջ 154):

Սեպտեմբեր ամսին Վրաստանի Հանրապետության մայրաքաղաք Էդուարդ Շևարդնաձեն Սրբազան Հորը պարգևատրեց Պատվո շքանշանով և գրեց շնորհավորական ուղերձ:

Վիրահայոց թեմի առաջնորդ
Գեոր. Տ. Գևորգ Արքեպիսկոպոս Սերայդարյանին

Ձերդ Բարձր Սրբազնություն,

Շնորհավորում եմ Ձեր ծննդյան 60-ամյակը:

Քառորդ դար առաջ Աստուծո կամքով Դուք ուտք դրեցիք վրաց հող և Ամենայն Հայոց Կաթողիկոս Վազգեն Ա-ի օրհնությամբ դարձաք Վրաստանի հայ համայնքի հոգևոր հովիվը:

Համձինս Ձեզ թե՛ հայկական և թե՛ վրացական Եկեղեցիներն ունեն անկեղծ բարեկամ, Դուք սրտով սիրում եք երկու հիմնավորաց ազգերի պատմությունն ու ներկան:

Մեզ հայտնի են Ձեր լուսավորչական գործունեությունը, գիտատեսական աշխատանքները, Աստվածաբանության հարցերում Ձեր իմացությունները:

Եվ թող Աստված Ձեզ շնորհի երկարակեցություն, մաղթում եմ քաջառողջություն, որպեսզի հաջողությունները Ձեզ ուղեկցեն հովվական գործերում, որպեսզի աղոթք-մաղթանք առաքել ժողովուրդների լուսավոր ապագայի համար, որպեսզի Ձեր օրհնությամբ Է՛լ ավելի ամրապնդվեն վրաց-հայ ժողովուրդների անաղարտ, անկեղծ, բարեկամական հարաբերությունները:

Տերն ընդ Ձեզ՝

Է.ԶՄԻՆՐԴ ԵՇԿԱՐԴԵԱՉԵ

Իր եղբայրական ջերմ զգացմունքներն է հայտնել մահ Վրաց Ուղղափառ Եկեղեցու Պետ Իլիա Բ Կաթողիկոսը:

Ձերդ Բարձր Սրբազնություն,

Վրաց Ուղղափառ Եկեղեցու և անձամբ իմ կողմից Ձեզ սրտանց շնորհավորում եմ Ձեր ծննդյան 60-ամյակի առիթով: Վրաստանում Ձեր ծառայության 25 տարվա ընթացքում Դուք շատ բան եք արել Վրաստանի և Հայաստանի ժողովուրդների բարեկամական հարաբերությունների

ամրապնդման համար: Մենք ման բարձր ենք գնահատում Ձեր ավանդը Վրացական Ուղղափառ Եկեղեցու և Հայաստանյայց Առաքելական Եկեղեցու եղբայրական կապերի ամրապնդման գործում: Ծանկանում ենք Ձեզ քաջաոողջություն և երջանիկ երկարակեցություն, իսկ Եկեղեցուն և Ձեր երկրին՝ խաղաղություն և հետագա բարգավաճում:

Հարգանքներով՝

ԻԼԻԱ ԵՐԿՐՈՐԴ

Համայն Վրաստանի Կաթողիկոս-Պատրիարք

«Էջմիածին» ամսագրի խմբագրությունը մույնպես շնորհավորում է Սրբազան Հորը՝ մաղթելով երջանիկ ծառայություն և երկար տարիների քաջաոողջություն՝ հովվելու համար հայ ժողովրդի մի ստվար հատվածին:

ԱՐՇԵՆ ԱՐԵՂԱ ՍԱՆՈՍՅԱՆ